

孔氏祖庭廣記

孔氏祖庭廣記卷第四

林廟親祠

前漢高祖十二年十二月自淮南還過魯以太牢祠

孔子諸侯卿相至則先謁然後從政

後漢明帝永平十五年三月幸孔子宅祠孔子

及七十二弟子作六代樂帝親御講堂命皇太子

諸王說經

孝章皇帝元和二年二月東巡守幸魯以太牢祠孔

子

安帝延光三年三月戊戌祀孔子及七十二弟子

於闕里



魏高祖孝文皇帝太和十九年夏四月庚申幸魯城

親祀孔子廟命兗州爲孔子起園栢修飾墳

壠更建碑銘褒揚聖德

唐高宗乾封元年封禪還京途經曲阜親幸祠廟追
封先聖爲太師其廟宇制度卑陋宜加修造仍
令三品一人以太牢致祭

後周高祖廣順二年親征慕容超至兗州城將破夜
半夢一人狀甚魁異被王者服謂高祖曰陛下明
日當得城及覺天猶未曉高祖私自喜曰夢兆如
此可不務乎因躬督將士戮力攻城至午而城果
陷車駕旣入有司請從王方鳴鞘而進因取別巷

轉數曲偶過 夫子廟帝意豁然謂近侍曰寡人所夢殆 夫子乎不然何取路於此因駐蹕外堂瞻禮 聖像一如夢中所見高祖大喜因叩頭再拜近臣或謂天子不當拜異世陪臣高祖曰 夫子聖人也百王取則而又以夢告寡人得非 夫子幽贊所及耶安得不拜因幸闕里復再拜及留所奠酒器銀爐等於廟及幸孔林又拜之及勅兗州修葺祠廟林禁樵採

宋 真宗大中祥符元年十月二十七日勅告報皇帝封禪畢駕至兗州曲阜縣謁 先聖廟其文宣公伯叔兄弟子姪並許陪位取十一月 日幸曲阜

阜縣備禮躬謁是日廟內外設黃麾仗帝服鞞袍
行酌獻之禮宰臣親王而下文武百官各立班於
殿庭孔氏家族並陪位初有司定儀當肅揖帝特
再拜以伸崇奉之意百官皆拜又幸叔梁大夫堂
命刑部尚書溫仲舒等分奠七十二子先儒帝歛
衽北面式瞻粹容仍顧廟制度嘉嘆久之立殿之
西次召孔氏子孫撫諭周至復幸孔林以樹木擁
道降輿乘馬至 文宣王墓奠拜詔加謚曰玄
聖 文宣王祝文進署仍修葺祠宇給近便十戶
奉塋廟又詔以御香一合并爐及親奠祭器留於
廟中翌日又遣吏部尚書張齊賢等以太牢致祭

賜其家錢三十萬帛三百匹孔氏子孫賜官各有
差以四十六世孫同學究出身及許造酒以奉祭
祀 大中祥符二年八月詔車駕幸曲阜縣謁
文宣王廟日扈從臣僚竝於廟內立石刻名

學廟親祠

皇太子附

東晉元帝太興二年皇太子講論語通釋奠於先
聖

成帝咸康元年二月甲子親釋奠

穆帝升平元年帝講孝經通釋奠如故事權以中堂

為太學

孝武帝寧康三年十二月癸巳帝釋奠於中堂以顏

子配

前秦符堅行禮於辟雍祀先師孔子其太子及公

侯卿大夫之元子皆束脩釋奠焉

宋世祖孝武皇帝孝建元年冬十月戊寅詔開建

仲尼廟同諸侯之禮詳擇爽塏厚給祭秩

後魏太祖天興四年二月命樂師入學習儻釋奠於

先聖先師

世祖大武皇帝始光三年二月起太學于城東祀

先聖以顏子配又太平真君十一年車駕南伐至

鄒山以太牢祀先聖

孝明帝正光二年二月幸國子學講孝經三月幸國

子學祠孔子以顏子配

後周宣帝大象二年二月丁巳帝幸露門學行釋奠

之禮

二年三月丁亥詔曰見詔文門類可追封孔子為鄒國

公別於京師置廟以時祭享

陳宣帝太建三年秋八月辛丑皇太子親釋奠於太學祭酒以下賚帛各有差

陳後主至德三年十一月辛丑釋奠於先師禮畢

設金石之樂會宴王公卿士

唐高祖武德三年六月一日詔令有司於國子學立孔子廟一所四時致祭

七年二月十七日幸國子學親臨釋奠

太宗貞觀十四年二月十日釋奠於國子學詔祭酒孔穎達講孝經畢上釋奠頌有詔褒美

二十年二月詔皇太子於國學釋奠於先聖先師皇太子爲初獻國子祭酒張復胤爲亞獻光州刺史攝司業趙弘智爲終獻旣而就講弘智談孝經忠臣孝子之義右庶子許敬宗上四言詩以美其事

玄宗開元二十八年二月五日勅文宣王廟春秋

釋奠宜令三公行禮著之常式二十日國子祭酒
劉瑗奏准故事釋奠之日羣官道俗皆合赴監觀
禮請依故事著之常式制可

高宗總章元年二月二十九日皇太子弘釋奠於太
學

永隆二年二月丙午皇太子親行釋奠禮

開曜元年二月十九日皇太子釋奠於國學

中宗景隆二年七月皇太子親釋奠於國學

睿宗太極元年二月二十八日皇太子親釋奠開講

筵

宋太宗端拱元年八月庚辰車駕幸國子學謁

文宣王禮畢外輦將出西門顧坐講左右博士李
覺方聚徒講書上即召覺令對御講曰陛下六飛
在御臣何敢輒陞高坐上因降輦命有司張帝幕
設別坐詔覺講周易之泰卦從臣皆列坐覺乃述
天地感通君臣相應之旨上甚悅賜帛百疋

淳化元年十一月幸國子監奠謁 先聖
真宗咸平二年七月幸國學奠謁 宣聖

大中祥符七年五月王旦言請用先天節禮畢詣
至聖文宣王廟行禮望下禮官叅酌儀制

仁宗慶曆四年五月幸國子學謁 先聖特再拜
天聖二年八月己卯幸國子監謁 至聖文宣王其

後再幸有司言舊儀肅揖而特再拜

哲宗元祐元年幸國子監謁至聖文宣王行釋奠禮
一獻再拜

宣和四年三月二日車駕幸太學奠謁

金

熙宗皇統元年二月戊午日

帝謁文宣王廟奠祭北面再拜謂儒臣曰爲善
不可不勉孔子雖無位以其道可尊使萬世高
仰如此

章宗明昌四年八月丙午

諭旨宣徽院曰明

日親釋奠有司擬肅揖朕以

宣聖萬世帝王之

師恐汝等未諭可備拜衾朕將拜焉

丁未 上詣 文宣王廟行釋奠之禮北面再拜
親王百僚及六學生負陪拜詔從祀官分奠七十
二弟子

初議定

上親奠謁不宜用牲牢既而禮官云遵豆脯醢之
數既係中祀若止用二遵二豆似太踈簡禮體未
稱擬全用十遵十豆於是備數

孔氏祖庭廣記卷第四

孔子祖庭廣記卷第五

歷代崇重

前漢元帝初元中下詔太師褒成君霸以所食邑八
百戶祀先聖

後漢光武建武五年破董憲還幸魯使大司空祀

先聖

桓帝元嘉三年二月司徒吳雄等奏請孔子廟置
百戶卒史一人掌領禮器春秋饗禮出王家錢給
大酒直河南尹給牛羊豕各一大司農給米太常
丞監祠詔可其請

魏志齊王傳正始二年帝初通論語五年講禮記通

各使太常以太牢祀先聖於辟雍以顏子配
西晉武帝泰始三年詔太學及魯國四時備三牲以
祀先聖

東晉明帝太寧三年詔給奉聖侯孔嶷四時祀

孔子如泰始故事

南齊明帝永泰元年詔增仲尼祭秩

後魏顯祖皇興二年以青徐既平遣中書令兼太常

高元以太牢祀先聖

後魏時有懷州廟學碑碑額刻太上皇巡狩祭

宣聖文碑中述

宣聖迴車事迹云是孔安國立祠其處按迴車事

傳記不載獨此碑見之碑中記魏賜田於此州以養孔氏子孫比曲阜林廟又載孔氏子孫名字碑石頑礪歲久頗缺落宣政間一刺史移此文於石今在州西北二十里夫子陂廟基上陂即賜田處也意謂太上皇巡狩郡國時必以河內如曲阜有孔氏子孫有賜田故祭其廟與不然何此文不見於他郡而獨此州刻之也姑記其略

北齊文宣帝天保元年六月令魯郡以時修葺先聖廟宇又遣使致祭

唐太宗貞觀十一年七月二十四日修

宣尼廟於

兗州給戶二十克享祀焉

高宗乾封元年十二月上遣司稼正卿扶餘隆以太牢之奠致祭於先聖

中宗神龍元年以鄒魯百戶爲隆道公采邑以奉歲祀又以三十四世孫崇基取鄒魯之邑百戶收其租稅用爲享薦

玄宗開元七年皇太子齒胄子學謁先聖詔右散騎常侍褚無量講孝經禮記文王世子篇

十三年封禪回幸孔子宅遣使以太牢祭其墓令天下州縣立廟因廣大本廟

二十六年詔諸道鄉貢舉人見訖就國子監謁

先聖先師遂爲常禮

二十七年封 文宣王遣三公持節冊命令撰儀注
緣昔周公南面夫子西面今位既有殊坐豈宜仍
舊補其墜典永作常式自今已後夫子南面而坐
內出王者袞冕以衣之二京之祭牲太牢樂宮縣
舞八佾州縣之祭牲少牢而無樂

二十八年詔春秋二仲上丁以三公攝事辭稱皇帝
謹遣

肅宗上元元年以歲旱罷中祀小祀而 文宣王然
爲中祀至仲秋猶祀之於太學

代宗永泰二年八月修國子學祠堂成釋奠命宰相

及常參官六軍將軍就觀焉。

德宗正元二年二月釋奠自宰臣以下畢集於國學
正元間每年春秋釋奠祝版御署訖北面而揖

宣宗大中元年有事于南郊 文宣王後與一子官

復封百縑克春秋享奠

遼太祖神冊三年戊寅五月建 孔子廟佛寺道

觀四年八月 帝謁 孔子廟命皇后太子分

謁寺觀

宋太祖建隆元年正月幸國子監二月又幸詔加

修飾祠宇乃塑繪 先聖先師先儒之像親撰

先聖贊有司請改樂章竇儼上十二樂曲祭

文宣王用永安之曲

景德四年四月甲戌戶部員外郎直集賢院判太常禮院李維言天下祭社稷釋奠長吏多不親行事及闕三獻之禮甚非爲民祈福尊師設教之意也望令禮官申明舊典詔付有司且言按五禮精義州縣春秋二仲月上丁釋奠並刺史縣令爲初獻上佐縣丞爲亞獻州博士縣簿尉爲終獻若有故以次官通攝又云祭社稷與釋奠同性用少牢致齋三日今請悉如故事詔從之

真宗大中祥符元年五月朔每日破乳香一分付

本廟於先聖殿上焚燒

是年十一月一日幸曲阜備禮躬謁又幸 叔梁大

夫堂又加謚 先聖為玄聖文宣王祝文特進名

并詔修飾祠廟其廟內制度未合典禮因茲改正

又詔廟內常用祭器或壞可盡易之仍差官以太

牢致祭其文曰維大中祥符元年歲次戊申十一

月戊午朔四日辛酉崇文廣武聖明仁孝皇帝御

謹遣推誠保德功臣光祿大夫吏部尚書上柱國

清河郡開國公食邑五千戶食實封一千八百戶

張齊賢致祭于 玄聖文宣王朕以有事岱宗畢

告成之盛禮緬懷闕里欽設教之素風躬奠謁於

巖祠特褒崇于懿號仍令舊相載達精誠昭薦吉

蠲用遵典禮以克國公顏子等配尚饗

三年二月詔開封府諸縣祭 玄聖文宣王廟禮料

並從官給

是年六月丙辰頒諸州釋奠儀注并祭器圖

大觀六年五月差四十七代孫宣教郎若谷押賜堂

上正聲大樂一副禮器一副其名數則壘一洗一

勺全帨巾二篚全壺尊二龍勺冪各全血盤一象

尊犧尊簋并蓋簋并蓋登瓦并蓋箱篚並各二劔

鼎三并蓋柶三邊十冪全豆十蓋全胙案八爵三

坫全此禮器也祝一推全敵一斲全編鍾編磬各

一架柶篥崇牙流酥等各全搏拊鼓箎塤笛簫巢

笙和笙一絃琴三絃琴五絃琴七絃琴九絃琴瑟
各二此大樂也是時及祭告之日甘露降于殿庭
簷牙欄楯松檜花木遍滿上下凝結如珠精瑩射
日累日不晞即具祥異申奏

政和間賜祭服四時遇仲月吉日祭先聖則衍

聖公前期排辦祭料名物視州縣釋奠之數祭之
前一日族中長幼應預祭者各致齋其日五更請
從上尊長二人與衍聖公爲三獻各服其服行
禮別請近上族人分奠十哲七十二賢二十六先
儒文中子凡執事作樂之人皆陪位禮畢焚幣三
獻官易常服遲明家長以下皆詣齊國公魯

國夫人 鄆國夫人 泗水侯 沂水侯 殿各具
蔬果常羞酌獻三奠訖徹樂

天下節鎮州縣學皆賜堂上樂一副正聲樂曲丁
二章春秋上丁釋奠於 先聖則學生登歌作樂

金

世宗 大定十四年正月六日禮官議國子監春
秋仲月上丁日釋奠於 文宣王依唐開元禮合
用祭器 文宣王充國公鄒國公每位邊豆各十
犧尊一象尊簠簋各二俎二祝板各一皆設案七
十二賢二十一先儒每位各邊一豆一爵一兩廡
各設象尊二摠用邊豆各一百二十三簠簋各六

俎六犧尊三象尊七爵九十四尊皆有坩罍二洗

二篚勺各二冪六正位并從祀籍尊壘俎豆等席

三十領豆尊席用莞每祭用羊三豕三酒二十瓶

及用登歌雅樂曲迎神三奏送神同沽洗宮初獻

盥洗沽洗宮初獻外殿降殿同其曲南呂宮奠幣

沽洗宮正配位酌獻與亞終獻通用沽洗宮樂工

三十九人並於大樂署借用獻官祭酒司業博士

克時或以禮部太常寺國子監官攝

大定二十三年二月國學成祀先聖於國子監之

廟以尚書右丞張汝弼攝太尉行事稱

上謹遣直學士呂忠翰攝祭酒克亞獻官待制

任倜攝司業克終獻官

章宗明昌二年五月二十一日有司言典禮所載州

郡通祀

宣聖廟今隨州府雖亦循例於春

秋仲月釋奠然別無官破錢物其所用牲幣酒脯
等往往滅裂乞除刺郡已上無 宣聖廟處自來
已許荆行起蓋其春秋釋奠無贍學公用錢處並
官為應副

是年六月以國學釋奠祭器名數頒下曲阜廟從克
州節度副使高鎮之請也

二年四月尚書省 奏定國學釋奠依典故三獻官

以祭酒司業博士克祝辭稱

上謹遣

配位祝文稱節

帝遣登歌用太常樂工其獻官并執事預享者並
法服陪位學官公服學生儒服

五年六月初四日禮官議曲阜祭 夫子廟修蓋已

畢自來祭享行三獻之禮甘肅官初 聖公止用

公服親族二人各止儒服及別無音樂即目國學

釋奠依古禮用法服及登歌雅樂 宋政和間曾

賜本廟三獻官祭服及登歌之樂令族人及學生

閱習 方今尊崇 聖道度越前昔其襲封衍

聖公特授中議大夫爵視四品更新廟貌所費鉅

萬而三獻止用常服及無雅樂恐未相稱緣係

朝廷尊師重道 特恩異禮合取 勅裁下議有

司

六年四月八日 勅有司賜行 聖公以下三獻法

服亞終獻以本族最長人克仍給登歌樂一部歌

二籥一箎一笛一塤一巢笙二和笙二簫一編鍾

一編磬一一絃琴一三絃琴一五絃琴一七絃琴

一九絃琴一瑟一祝一敔一搏拊一麾幡一迎

神沽洗宮來寧之曲其詞云有功者祀德厚流光

猗歟將聖三綱五常百代之師久而愈芳靈宮對

越神其鑒饗盥洗沽洗宮淨寧之曲楚楚祀儀昕

徵奠綴爰清其持斲玄枘悅非持之清精誠是浼

神之來思式欽嘉齊降升南呂宮肅寧之曲衣冠

襲封玄王之宗春秋陳祀玄王之宮清洙或涸東
山或章此封此祀承承無窮奠幣沽洗宮溥寧之
曲仰惟聖猷宏賜尊顯宿燎設懸展誠致奠旅幣
申申於粢洗腆崇報孔明不墜敬典酌獻 先聖
沽洗宮德寧之曲巍巍堂堂道德孰儷屈於一時
信平繫於萬世王號尊崇公封相繼洵辰之良潔巖
以祭酌獻充國公宮調同前好學潛心簞瓢樂內
具體而微人進我退洙泗之鄉神之所在其從聖
師廟食作配酌獻鄒國公宮調同前醇乎其醇優
入聖域祖述唐虞力排揚墨思齊斯民果行其德
祀為上公茲宜配食亞終獻酌獻宮調同前法施

於人修經式誨如明開盲如聲破聵捷遲襄周光
華昭代儼然南面門人列配送 神沾洗宮歸寧
之曲籩豆威儀孔將孔惠三獻備成四方所視神
保是饗永光闕里神之聿歸貽厥孫子仍遣太常
樂工教孔氏子弟各執其藝以備祭祀

是年八月二十七日命兗州節度使孫即康行一獻
之禮策祝告成其文曰 國家禮重儒術道尊

聖師闕里廟貌于以新之雅樂具舉法服彰施庶
幾鑒格永集繁禧初有司 奏定二十三年修

國子監 宣聖廟畢命右丞張汝弼祭奠今乞差
本處長官致祭依釋奠禮其祝板告以修崇廟宇

頌降法服雅樂之意 從之至是行禮

是年有司 奏定衍 聖公初獻法服依四品用六
梁冠亞獻終獻七品用三梁冠登歌用二十五人
將太常寺附餘鍾磬笙竽等修整降下令本廟親
族子弟及學生等閱習

明昌閒 朝廷刊定 釋奠 先聖禮冊頒降州郡

元光初 京師 先聖廟成復粧飾 先聖十哲塑
像其賢像欲圖之於壁慮久而易壞 朝廷特
命以素縑繪之而各成以軸遇祭懸展

正大二年 詔改開封府學為 太學增置儒生
奏定釋奠 先聖三獻以祭酒司業博士克祝辭

稱上 謹遣登歌用太常寺樂工獻官及監祭

監禮並法服執事陪位官公服學生儒服次年行

禮始復舊制

禮樂器備

大蒙古朝

皇帝聖旨節文據龍襲封孔元措

奏告燕京南京等處尚有太常禮樂官及工人

等乞行拘刷事往奏若有前項人等并家屬用鋪

頭口起移赴東平府地分住坐分付孔元措收管

令本路課稅所量給口糧養濟就於本廟閱習

聽候

朝廷不測用度并自來有底禮冊詞章樂器鍾

磬等物盡行拘刷見數申 奏

一各處若有未見人數逐旋拘刷

扎魯火赤也可那演胡都虎斡魯不衆扎魯火赤
那演言語據襲封衍 聖公孔元措來申

宣聖子孫歷代並免賦役見有一十五家歷代
舊有地土六百頃免賦役供給祭祀又看林廟戶
舊設百戶見有十戶不構洒掃等事如文字到
日仰孔元措依舊襲封衍 聖公主奉

先聖祀事仍提領修完

祖廟據孔氏子孫一十五家 亞聖顏子後八家

鄒國公後二家廟戶依舊百戶計一百二十五戶奉

上絲線顏色稅碩軍役大小差發並行蠲免上項戶計
盡行豁除不屬州縣所管

諸路曆日銀一半修

宣聖廟益都東平兩路盡數分付襲封孔元措修完
曲阜 本廟

宣差東平路萬戶嚴實課稅所長官張瑜申稟

朝省 丞相領省耶律楚才重道出于特意

古燕義士蕭元素與

朝廷斷事官 丞相耶律丑山為師友獨蕭人親詣
以為先容具道其所以然儒教由此復興

孔氏祖庭廣記卷第五

孔氏祖庭廣記卷第六

族孫

滕字子襄鮒之弟也長九尺六寸漢高祖十二年征黥布還過魯封爲奉嗣君亦嘗爲孝惠帝博士終於長沙王太傅

襄鮒第子也爲孝惠帝博士至長沙太傅生忠忠生武及安國延年

成鮒子彥之子歷位九卿武帝時遷御史大夫辭曰臣世以經學爲本傳世承家法今俗儒繁說遠本雜以妖妄難可以訓房第侍中安國受詔續集古義臣乞爲太常典臣家業與安國編摩古訓使永

垂來嗣帝重違其意遂拜大常其禮物如三公焉
在位數年著書十篇為賦二十四篇而卒又作書
與弟及戒子皆有義焉

安國十一世孫也治尚書為武帝博士魯共王壞

孔子舊宅壁中得古文虞夏商周之書及傳論語
孝經悉還孔氏故安國承制作書傳又作古文孝
經傳亦作論語訓解至臨淮太守安國生卬卬生驩
吉成帝詔世為殷紹嘉公子何齊哀帝殷紹嘉公為宋公
光字子夏十四世孫霸之少子年未二十舉為議郎
舉方正為諫大夫成帝初即位舉為博士奉使稱
旨上信任之轉僕射尚書令綏和中拜丞相受博

山侯印綬哀帝即位益封光千戶平帝立徙光爲
帝太傅明年徙爲太師歸老于第光年七十元始
五年薨太后使九卿策贈以太師博山侯印綬謚
曰簡烈侯子放嗣博山侯

子建僖之曾祖父也少遊長安與崔篆友善及篆仕
王莽爲建新大尹嘗勸子建仕對曰吾有布衣之
心子有衮冕之志各從所好請以此辭歸終於家
安光武建武十三年以殷紹嘉公爲宋公

僖字仲和章帝初拜蘭臺令史元和二年春帝祠
孔子及七十二弟子作六代之樂大會孔氏男子
二十以上者六十三人命儒者講論僖因自陳謝

帝曰今日之會寧於卿宗有光榮乎對曰臣聞明
 王聖主莫不尊師貴道今陛下親屈萬乘辱臨敝
 里此乃崇禮先師增輝聖德至於光榮非所敢承
 帝大笑曰非 聖者子孫焉有斯言乎遂拜僖郎
 中詔從還京師使校書東觀後拜臨晉令三年卒

二子長彥季彥好章句學

詳見漢傳

季彥守其家業門徒數百時人為之語曰魯孔子好
 讀經兄弟絃誦略不停學士必欲就聲名不師孔
 氏焉能成延光二年河西大雨雹大者如斗安帝
 召季彥見於德陽殿問其故對曰此皆陰乘陽之
 徵也今貴臣擅權母右黨熾陛下宜修聖德慮此

二者帝默然左右皆惡之季彥聞之曰吾豈容媚
勢臣而欺人君乎年四十九終於家

扶字仲淵後漢順帝陽嘉二年六月由太常為司空
昱字元世七世祖霸成帝時歷九卿封褒成侯自霸
至昱爵位相係其卿相牧守五！三人列侯七人
昱少習家學大將軍梁冀辟不應太尉舉方正對
策不合乃辭病去後遭黨事禁錮靈帝即位公車
徵拜議郎補洛陽令以師喪弃官卒于家

震字元上十九世孫為博陵太守終尚書侍中

宙字季將十九世孫仕至太山都尉

有碑

謙字德讓二十世孫郡諸曹吏

融字之舉二十世孫宙之子也河南守賀進辟融舉

高第為侍御史嘗為北海相立學校表顯儒術薦

舉賢良雖一介之善莫不加禮焉獻帝時論者多

欲復肉刑融乃建議朝廷善之卒不改焉歲餘復

拜太中大夫卒年五十六魏文帝深好融文辭每

嘆曰楊班之儔募天下有上融文章者輒賞以金

帛所著詩頌碑議論六言策文表檄教令書記凡

二十五篇備見漢傳

衍字舒元二十二世孫也少好學年十二能通詩書

弱冠公府辟本州舉異行直言皆不就避地江東

晉元帝引為安東叅軍專掌記室書殷積而衍每

以稱職見知中興初與庾亮俱補中書郎明帝之
在東宮領太子中庶子於時庶事草創行經學深
博又練識舊典朝儀軌制多取焉於時元明二帝
並親愛之以太興三年卒于官年五十三凡所撰
述百餘萬言子啓廬陵太守

備見晉傳

惠雲宋文帝元嘉二十八年以為奉 聖侯

邁宋孝武帝大明二年以為奉 聖侯邁卒子奉

嗣復

嗣

靈珍二十八代孫後魏文帝太和十九年改封為崇

聖侯

長北齊顯祖文宣皇帝天保元年六月辛巳詔改封

崇 聖侯為恭 聖侯邑一百戶以奉祀

英哲陳廢帝光大元年十二月庚寅以兼從事中郎

為奉 聖侯奉祀

巢父字弱翁三十七世孫廣德中為左衛兵曹參軍

累拜湖南觀察使未行會普王為荆襄副元帥署

行軍司馬俄而德宗狩奉天行在權給事中為河

中陝華招討使累上破賊方略帝嘉納未幾兼御

史大夫為魏溥宣慰使卒贈尚書左僕射諡曰忠

詔具禮收葬賜其家粟帛存卹之從子戮戡戡備

惟助三十八代孫唐憲宗元和四年二月以為兗州

參軍

幾字君嚴擢進士第鄭滑盧群辟為判官入為侍御
史累擢諫議大夫條上四事憲宗異其言俄兼太
子侍讀改給事中再遷尚書左丞論罷蚩萊即拜
嶺南節度使穆宗立以吏部侍郎召改散騎常侍
還為左丞以老自乞後以禮部尚書致仕卒年七
十二贈兵部尚書謚曰貞子遵孺温裕温裕太平
軍節度使遵孺

子緯備見
唐傳

戡字君勝進士及第補修武尉以疾歸洛陽未幾李
吉甫鎮揚州表置幕府後詔以衛尉丞分司東都
自貞元後帥鎮劾奏僚佐不驗輒斥至是給事中
呂元膺執不可憲宗遣使諭曰朕非不知戡行用

之矣未幾卒年五十七追贈司勳員外郎子溫質

為太子少保備見唐傳

戢字方舉擢明經書判高等為校書郎陽翟尉累遷

湖南觀察使召授右散騎常侍京兆令歲旱文宗

憂甚戢躬祠曲江池一夕大澍帝悅詔兼御史大

夫卒贈工部尚書子溫業溫諒俱進士第備見唐傳

溫業字遜志擢進士第大中時為吏部侍郎求外遷

宰相白敏中顧同列曰吾等可少警孔吏部不樂

居朝矣後為太子賓客

榮三十八代孫唐武宗會昌二年為國子監丞襲文

宣公

緯字化文擢進士第累遷尚書左僕射賜號持危啓
運保乂功臣鐵券恕十死兼京畿營田使昭宗進
司空以太學焚殘乃兼國子祭酒完治之加司徒
封魯國公又進兼太保後擢吏部尚書以司空門
下侍郎輔政疾乞歸田里帝動容詔使者送緯至
堂視事會天子出次石門從至莎城以病還都家
人召醫視緯曰天下方亂何乂求生不肯服藥卒
贈太尉子崇弼亦登進士第仕至散騎常侍備見唐傳
憲仁玉次子 宋建隆初任尚書工部員外郎河東
轉運使終於開封浚儀知縣

世基太平興國二年賜同本科出身

黃四
六
三平六展一
冤克州叅軍大中祥符元年詔為安州應城縣主簿
謂大中祥符元年十一月一日詔進士謂同三傳出

身

延祐大中祥符元年十一月一日詔習學究延祐同
學究出身

延魯大中祥符元年十一月一日詔習學究延魯同
學究出身

延齡大中祥符元年十一月一日詔習學究延齡同
學究出身

延澀隰州清化縣令

延之擢進士第殿中丞

勗字自牧仁玉次子舉進士第博學有長者之譽大中祥符二年正月以殿中丞知兗州曲阜縣兼檢校先聖廟賜緋魚袋辭日賜絹及衣月給如通判例東封謁廟求孔氏子孫令主看廟宇勗時通判廣州經度制置使寶元二年九月二十六日以秘書監分司南京管勾兗州仙源縣文宣王廟事為尚書工部侍郎致仕歷官五十年仁愛于其民孝友于其家卒年八十九累贈吏部尚書五子長道輔贈太尉延範皆不仕無子次良輔太子中舍次彥輔國子博士良輔二子長宗壽曹州節度推官次宗質不仕彥輔一子宗毅不仕

道輔字原魯勗之長子祥符五年登進士第嘗為龍
圖閣直學士復召為中丞道輔直道獨立朝廷尊
嚴嘗知諫院上書請章獻明肅太后歸政天子而
廷奏樞密使曹利用上御藥羅崇勳罪狀後帝廢
后乃極諫黜知兗州及再入為中丞勘官者馮元
士事盡法不徇景祐初以龍圖閣直學士給事中
知鄉縣後知鄆州中路得疾卒年五十四葬 祖
墓西南後詔追郭皇后位號而近臣有為帝言道
輔明肅太后時事者帝亦記其生平所為贈尚書
工部侍郎累贈太尉開府儀同三司二子長舜亮
為中散大夫次宗翰為朝散大夫知兗州奉 祖

祀道輔不好鬼神機祥事初在寧州道士治真武像有蛇穿其前數出以近人衆傳以爲神以聞於朝刺史率其屬往拜之蛇果出道輔舉笏擊殺之自州將以下皆大驚曰神蛇尚殺之不可犯也後徂來山石介作擊蛇笏銘云

文見碑文卷末

金入仕

端肅字肅之四十八代孫篤志好學不樂進仕翰林侍講党懷英舉端肅閑居鄉里年德俱高雖不習科舉其讀書養道該通古學堪任國子小學教授明昌四年三月十二日

召赴闕特賜進士及第補將仕郎以年老乞歸

瑋字德純四十九代孫博學才優尤工翰墨常爲廟
學正貞祐二年以四舉終場賜同進士第萊州招
遠縣主簿

擢字用之五十代孫通貫經術性質純古卷大定二
十二年進士第待闕萊州掖縣令

章宗皇帝以 聖人後特授太學助教俄丁內難
服除補省掾秩滿授右三部司正終於刑部主事

世系別錄

樹九代生子取系

聚字子彥十代封蓼侯

減十一代文帝時爲太常嗣蓼侯侯

琳十二代嗣蓼侯位至諸史

茂十三代關內侯

黃十三代

豫州從事方之曾祖

宣十四代漢宣帝元康四年封長安公

掾十四代列校尉

喜十四代列校尉諸曹

永十五代漢末大司馬封字侯

壽十五代王莽時封合意侯

立十五代

奇字子異十六代

字侯永之子也

元十六代為校書郎

尚十六代為距太守

嘉十七代城門校尉

方字廣平十七代豫州從事

疇字元矩十七代為陳相

澍字君德十八代魯從事

仁十八代以文學為議郎遷博士南海太守

旭字延壽十九代中為相史

訢字定伯十九代魯戶曹

誦字仲助十九代為魯相史

術字子佑十九代為魯史

翊十九代舉孝廉拜御史遷樂陽令

豐十九代為御史兼門下侍郎

又字元雋二十代魏諫大夫

淮二十代為功曹吏

允二十代桓帝時魯都督

允字伯序二十代魯都督

允二十代靈帝建寧中為魯掾

允二十代靈帝建寧中為魯掾

允字士信二十代晉東平將軍衛尉

允二十一代後漢冀州刺史

演字舒光二十二代中書郎

揚二十二代下傅亭侯

啓二十三代廣陵太守

愔二十四代宋祠部郎中

默之二十六代廣州刺史

景進二十八代魏功曹掾

白烏二十九代魏興和三年鄒丞

靈龜二十九代後魏國子博士

碩三十代治書侍御史

安三十一代北齊青州法曹參軍

穎達字仲遠三十二代國子祭酒曲阜憲公

本傳不該族屬世系
有之故載於此

志玄三十三代國子司業

志幻三十三代禮部郎中

志亮三十三代中書舍人

惠玄三十四代國子司業洪州都督

琮三十四代洪州都督

立言三十五代禮部郎中

慎言三十五代黃州刺史

務本三十五代滄州崇光縣令

如珪三十六代海州司戶參軍贈工部郎中

岑父三十七代著作佐郎贈尚書左僕射

惟時三十八代兗州都督參軍

載三十八代擢進士第

溫質三十九代四門博士

導憲三十九代舉明經

溫裕三十九代天平軍節度使

溫資三十九代太子少保

溫諒三十九代擢進士第

絢字廷休四十代晉成帝咸通二年登進士第

綸字司言四十代登第殿中侍御

縵字徵夫四十代晉成帝咸通十四年狀元

絳字受之四十代明經及第

昌弼字佐化四十代登進士第散騎常侍

照四十四代晉成帝咸通十一年登第

昌序字昭舉散騎常侍

昌明字昭儀四十四代唐光化二年登第

是四十四代參軍

宗簡四十六代太子中舍

宗翰四十六代中散大夫鴻臚卿

舜亮字君亮四十六代登第中散大夫贈特進

旻四十六代仁宗慶曆七年八月丁未賜汝州龍興縣處士粟帛隱居縣之龍山強陽城性孤潔喜讀書里田數百畝遇歲飢分所餘周不足者未嘗計有無聞人之善若出於己動止必依禮法人皆愛慕之見旻于

路輒斂衽以避葬其父廬墓三年卧破棺中日食
米一溢壁間生紫芝數十本州以行義聞故有是
賜又給復其家盜嘗入收家發其廩粟收避之縱
其所取嘗逢羸弱者為盜掠奪其貲收追盜與語
責之以義解金畀之使歸所掠居山未嘗逢毒蛇
虎豹或謂之曰子母夜行此亦可畏收曰無心則無
所畏

若虛字公實四十七代登進士第奉議郎襲封奉 聖

公奉 辭錄

若拙字公智四十七代進士出身金州司理

若深四十七代迪功郎濟陰簿

恆字宏之四十七代奉直大夫

博字厚之四十七代朝散大夫

忱字誠之四十七代儒林郎

恂四十七代奉議郎

端朝四十七代太學博士

傳四十七代朝散大夫知邠州軍州事

若初字公慎四十七代登第

琰字粹老四十九代中順大夫忻州同知金初從事

太師梁王麾下以功補官王以聖人後特授文資

環四十九代承事郎行開封府祥符簿

瑀字湯光四十九代承直郎

撫字伯順五十一代 廟學錄

摯字莘夫五十一代 廟學正

元順字存之五十一代 廟學錄

孔氏祖庭廣記卷第六

孔氏祖庭廣記卷第七

澤及子孫

後漢光武建武三十二年正月幸魯遣宗室諸劉及孔氏瑕丘丁民上壽受賜皆詣孔氏宅賜酒肉其宿奉高命褒成侯助祭列在東后

明帝永平十五年賜褒成侯損并孔氏男女錢帛
章帝元和二年賜褒成侯及諸孔氏男女帛

孝安帝延光三年幸闕里自魯相令丞尉及孔氏親屬婦女悉會褒成侯以下賜帛各有差

桓帝永壽二年復顏氏 聖舅并官氏 聖妃繇發

詳見
碑文

魏文帝黃初二年魯郡 孔子廟外廣為室宇以居
學者

後魏文帝太和十九年四月幸魯詔拜孔氏四人顏
氏二人為官選諸孔宗子一人封崇 聖侯邑一

百戶以奉祀

南齊世祖永明七年詔奉 聖之爵以時繼紹

梁敬帝太平二年詔搜舉魯國之族以為奉 聖後

後周宣帝大象二年立後承襲

唐太宗貞觀十一年命喪 聖侯祭 先聖皆服玄

冕朝會位同三品

高宗乾封元年詔孔氏子孫並免賦役闔門勿事

中宗神龍元年命孔氏子孫世襲褒 聖侯

玄宗開元十三年幸 孔子宅詔每代長子一人承

襲兼賜一子官二十七年命文宣公任兗州長史

代代勿絕

肅宗上元間詔凡大祀其褒 聖侯在朝位於文官

二品之下

憲宗元和十五年詔 文宣王家與一子官

武宗會昌五年有事于南郊 文宣王後與一子出

身

宣宗大中元年有事于南郊 文宣王後與一子官

復封百縑克春秋享奠

青四
十四
三十一
張一
僖宗乾符二年有事于南郊 文宣王後與一子官

宋 太宗太平興國二年十月詔免兗州曲阜縣文
宣公家租稅先是歷代以 聖人之後不預庸調
顯德中遣使均田遂抑為編戶至是孔氏許于州
以聞帝特命免之

真宗大中祥符元年十一月賜孔氏銀二百兩帛三
百匹俵散諸房田一百頃又詔近屬授官及賜出
身者六人

二年春賜文宣公家祭冕服

仁宗即位之初謂輔臣曰 孔子廟自祖先以來皆
以子孫世知縣事奉祠祭今乃不然非所以崇儒

術尊 先聖之意其詔自今仙源縣復選孔氏子弟爲之

皇祐三年七月八日詔兗州仙源縣國朝以來世以孔子子孫知縣事使奉承廟祀近歲廢而不行非所以尊先聖也自今宜復于孔氏子弟中選克哲宗元祐元年十月勅白身合襲封人與除承奉郎專以王奉先聖祠事爲職添支供給隨本資次每三年理爲一任用本路及本州按察官薦舉依吏部格關陞資任如朝廷非次擢用許依舊帶公爵出令以次合襲封人權主祀事每遇親祠大禮冬正朝會許行聖公赴闕陪位又命別差兵士

每一番一十人克行 聖公白直刪定家祭冕服
制度頒降又添賜田一百大頃其所入除給祭祀
外修立則均贍族人仍委本縣官一員與行 聖
公同簽書管句又賜經史等書一監建學舍廟之
東南隅置教授官一員令教諭本家子弟內舉人
依本州學生例優與供給

八年三月十六日勅將舊賜田一百頃均給族人外
有新賜田一百頃除朝廷已有旨揮撥二十頃克
廟學供贍生員外有八十頃內撥二十頃克歲時
祭祀支用十頃置買 殿庭簾幕什物外五十頃
歲收穀粟等貯縣倉依時出菜置曆收管錢物遇

修補廟宇支用本州逐季郡官與奉 聖公點檢

崇寧三年十一月六日勅 文宣王之後常聽一人

注兗州仙源縣官崇寧三年十一月十四日言至

聖文宣王之後特與親屬一名判司候縣令孔若

虛是時為具名聞奏今後事故即最長承襲尋保明

四十六代孫宗哲係本家白身最長遂除興仁府

乘氏縣主簿誥曰進士孔宗哲朕欽崇 先聖廣

其世恩爰俾若虛以名來上錫汝一命往其欽承

政和間賜家祭寬服三獻官各一副單夾全

金

熙宗 皇統二年四月一日勅免孔子子孫賦役

初尚書省

奏權襲封孔端立言

孔子子孫漢

唐以來並免賦役身丁等事

典其餘免丁之家不
同謂自古免克軍役

臣等

參詳

孔子之後舉天下止有一家他人難以攀

例有無依前代體例施行從之故有是命

五年准行臺尚書戶部符克州申

孔子廟宅

賜

田二百大頃自宋時不曾輸納稅役至廢齊自昌

五年斷勒拘催二稅并役錢

故金天眷元年孔若鑑等陳狀乞將本廟賜田蠲

免稅役後來孔端立等陳狀又該宋承唐後亦免

本家賦役尚書省奏奉

勅旨依前代體例施行本部着詳

孔子廟宅

賜田合依前代體例施行

章宗明昌元年三月

勅旨 夫子廟以係省錢修蓋仍設教授一員於
四舉五舉終場進士出身人內選博通經史衆所
推服者克生負許孔宅子孫不限人數年十三已
上願習業者皆聽就學已習詞賦經義准備應試
人依州府養士例每人每月支官錢二貫米三斗
小生減半支給如兗州管下進士欲從學者聽曾
得府薦者試補終場舉人免試入學仍限二十人
為額庶孔宅生負等有講授養育成就人材委是
有益於治分給 賜監書各一部合用人力於兗

州射糧軍內選差常令數足不摘差打減所須什物並依太學例官爲應副仍令本縣官以時點檢若有關少損壞畫時申移本州添修委本州進士出身官提控學校事據所屬應副生員請給人力所須等物委提刑官點檢有無奉行減裂

孔氏祖庭廣記卷第七

孔氏祖庭廣記卷第八

姓譜

昔契以佐禹治水有功封於商而賜姓子氏至周成
王時以商之帝乙長子微子啓國於宋啓卒立其
弟微仲衍微仲衍生宋公稽宋公稽生丁公申丁
公申生湑公共或作閔公共及湯公熙湑公共生
弗父何弗父何生宋父周宋父周生卅子勝卅子
勝生正考父正考父生孔父嘉孔父者其字也而
先儒以謂當時所賜號者誤矣孔父嘉生木金父
木金父生祁父或曰畢夷五世親盡別為公族祁
父因以王父字為孔氏而生子孔防叔避宋華督



之難奔魯為大夫因家於魯防叔生伯夏伯夏生
鄒大夫叔梁紇名大夫長子曰孟皮或曰伯皮有疾
不任繼嗣次子則先聖是也自先聖没子孫
世為魯人同居祖廟先公文清先生嘗推原世
譜以謂本姓本於子姓者是姬姓者非如鄭有孔
張衛有孔達姓氏同而族異又皆出於姬姓實在
子姓之先皆非先聖之後

先聖誕辰諱日

周靈王二十一年庚戌歲即魯襄公二十二年當襄
公二十二年冬十月庚子日先聖生十月庚子
即今之八月二十七日是夕有二龍繞室五老降

庭五老者五星之精也又

顏氏之房聞奏鈞天之樂空中有聲云感生

聖子故降以和樂笙鏞之音

周敬王四十一年壬戌歲即魯哀公十六年也當哀

公十六年夏四月乙丑日先聖薨四月乙丑即

今之二月十八日先儒以謂己日者誤矣蓋四月

有癸丑乙丑無己丑五月十二日乃有己丑以乙

為己字之誤也方先聖未生時有麟吐玉書於

闕里其文曰水精之子係衰周而素王顏氏異

之以繡紱繫麟角信宿而麟去至哀公十四年西

狩大野叔孫氏車子鉏商獲獸以為不祥先聖

視之曰麟也胡為來哉反袂拭面泣涕沾衿叔孫
聞之然後取之繫角之絨尚存麟見而天告

先聖將亡之證也

先聖晨作負手曳杖逍遙於

門而歌曰泰山頽乎梁木壞乎哲人萎乎因以涕
下既歌而入當戶而坐子貢聞之日泰山其頽則
吾將安仰梁木其壞則吾將安放 夫子殆將病
也遂趨而入嘆曰賜汝何來遲夫明王之不興則
天下其孰能宗子夏人殯於東階周人於西階殷
人於兩楹間昨暮予夢坐奠於兩楹之間予殆殷
人也後七日而終時年七十三逮宣和六年甲辰
一千六百有一年矣

母顏氏

叔染大夫雖有九女而無子其妾生孟皮有足疾乃
求婚於顏氏顏氏有三女其父問曰鄆大夫雖父
祖為卿士然其先聖王之裔今其人身長十尺武
力絕倫吾甚貪之雖年長性嚴不足為疑三子孰
能為之妻二子莫對其幼徵在進曰從父所制將
何問焉父曰即爾能矣遂以妻之

娶并官氏

先聖年十九娶於宋之并官氏

先聖小影

家譜云 先聖長九尺六寸腰大十圍凡四十九表

反首注面月角日準手握天文足履度字或作王
字坐如龍蹲立如鳳峙望之如仆就之如外耳垂
珠庭龜脊龍形虎掌胼脇參膺河目海口山膺
林背翼臂斗唇注頭隆鼻阜腴堤眉地足谷竅雷
聲澤腹昌頰均頤輔喉駢齒眉有一十二采目有
六十四理其頭似陶唐其顙似虞舜其項類臯陶
其肩類子產自腰以下不及禹三寸背有文曰制
作定世符運今家廟所藏畫像衣燕居服顏子從
行者謂之小影於 聖像爲最真近世所傳乃以
先聖執玉塵據曲几而坐或侍以十哲而有侍授
蓋捧玉磬者或列以七十二子而操弓矢披卷軸

者又有十指從行而乘車圖皆後又追寫殆非
先聖之真像

給灑掃廟戶

魯哀公十七年因立廟於舊宅置守陵廟百戶

後漢靈帝建寧中給守廟百戶

魏文帝黃初元年詔置吏卒百戶以守衛之

宋文帝元嘉十九年詔可蠲墓側數戶以掌洒掃魯

郡上民孔景等五戶居近孔子墓側蠲其課役

以給洒掃

後魏孝文帝延興三年給十戶以克洒掃

唐太宗貞觀十一年給先聖廟戶二十以奉饗祀

睿宗太極元年以兗州 隆道公祠戶二十供洒掃
玄宗開元十三年東封回幸 孔子宅給復近墓五
戶令天下州縣立廟賜百戶洒掃

二十七年詔賜百戶洒掃百縑克春秋享奠

憲宗元和十三年復置洒掃五十戶

懿宗咸通四年給洒掃陵廟五十戶

後周高祖廣順二年幸林廟以廟側數十家為洒掃
戶及勅兗州修葺祠廟禁 孔林樵採

宋 眞宗景德四年詔兗州舊以七戶守 孔子墳
宜增至五十戶

大中祥符元年東封回幸林廟奉直給還便十戶以奉坐域

是年十一月修葺祠宇給近便十戶奉筮廟

仁宗慶曆四年三月勅於本縣中等人戶內差廟戶五十克本廟洒掃諸般祇應

哲宗元祐元年十月五日勅依舊法差洒掃戶五十人看林戶五人並依役人法先是四十六代孫宗翰奏家門事論廟戶以謂熙寧中朝廷裁減役人議者欲役錢寬剩而不知王者崇儒貴道之本遂減作三十人其看林戶止有三人竊緣夫子墳林一千六百餘年子孫皆葬於其間周圍十餘里喬木參天近年以來多為盜賊斫伐州縣既不留意看林戶又以減省洙泗之上識者傷嗟方當朝

字五 五 三十八十五
廷全盛之時天下被其惠澤鄒魯 聖師之舊地
衰歇如此臣昔在慶曆中年雖稚齒曾記一事梁
適知兗州日乞以廂兵代廟戶又裁減人數方是
時章得象爲宰相范仲淹爲叅知政事執政欲從
梁適之請獨仲淹云此事與尋常利害不同自是
朝廷崇奉 先師之事仁義可息而此人可減吾
輩雖行他人必復之如此執政遂已尋有中書劄
子令差足人數當時天下無賢不肖莫不稱之故有是命
金廟戶食直官爲應副

孔氏祖庭廣記卷第八

孔氏祖庭廣記卷第九

鄉官

孔氏鄉官其來遠矣考於傳記驗以譜系并林廟碑刻始自東漢桓帝以十八代孫樹為魯從事厥後逐代有之終漢世十有一人後魏迄唐有八人焉或任兗州郡守或為曲阜縣令開元二十七年以三十五代璿之任兗州長史詔代代勿絕宋初迄建炎則鄉官尤多太宗淳化四年除四五代延世為曲阜縣令制曰叔敖陰德尚繼絕於楚邦臧孫立言猶有後於魯國豈聖人之後可獨遠於陵廟乎許州長葛縣令孔延世鍾裔孫之慶仕文理之朝能敦素風

甚有政術宜任桑梓之地以奉承尊之儀可特授曲阜
縣令仁宗即位詔自今仙源縣選孔氏子弟為之崇寧間
勅吏部 文宣王之後常聽一人注兗州仙源縣官於
是孔氏鄉官不絕至於父子叔姪兄弟更相為代歷
五代不見鄉官歷任年月無復備錄姑以唐末三
故金任鄉官者詳列於後

唯昉唐元和四年為兗州參軍見族孫門

遜之 兗州長史覲次

萱 兗州泗水縣令同上

齊鄉 兗州功曹參軍同上

雅暉 兗州參軍同上

策 曲阜縣尉 同上

昭儉 兗州司馬累宰曲阜 同上

光嗣 兗州泗水縣令 同上

仁玉 周廣順三年任曲阜縣令 同上

宜 雍熙三年任曲阜縣令襲封文宣公 同上

延世 至道三年任曲阜縣令 同上

冕 祥符元年為兗州叅軍 見族孫

勗字自牧 祥符六年知仙源縣事 請創立學舍從之

道輔 祥符九年知仙源縣事 同上

聖佑 天聖三年知仙源縣 見

良輔 天聖五年任仙源縣主簿 同上

彥輔 天聖八年任仙源縣主簿替親兄良輔慶曆八年以衛尉寺丞知仙源縣替親姪宗禎未滿間奉勅差修 祖廟

宗愿 康定元年知仙源縣慶曆三年以大理寺丞

再任見

宗禎 慶曆五年以將作監丞知仙源縣

宗翰 嘉祐元年以秘書省著作佐郎知仙源縣熙寧三年以尚書屯田郎中提點京東路刑獄公事十年以尚書都官郎中提點京東路刑獄公事元祐元年以朝議大夫知兗州

潤 嘉祐四年以屯田員外郎知仙源縣

宗壽 治平四年任仙源縣主簿紹聖元年以右宣

德郎知仙源縣

若蒙 熙寧三年以襲封衍 聖公任仙源縣主簿

世次

若外 元豐元年任仙源縣主簿又五年以新太縣

令監修 祖廟 贈朝

若古 元祐四年任仙源縣主簿 後更名傳

若谷 大觀二年以文林郎任仙源縣丞

宗哲 大觀二年以從事郎任兗州觀察推官

宗一 政和三年任仙源縣丞

傳 政和五年以朝奉郎任京東路轉運司管勾文

字

端節 宣和元年以宣教郎任京東路轉運司句當

公事

中大天
嘉閣

壘 宣和五年以通奉郎任仙源縣丞

端問 宣和七年以迪功郎任仙源縣丞

松 建炎二年以宣校郎簽書泰寧軍節度判官廳

公事

金鄉官

若鑑 天會八年以迪功郎任仙源縣主簿

瑀 皇統二年以登仕郎任曲阜縣主簿

瓌 皇統五年以將仕郎任曲阜縣主簿

淵 天德二年以承直郎任兗州司法參軍

玟 天德二年以忠勇校尉任曲阜縣尉

揔 大定二十一年授曲阜縣令見世次

元措 承安二年二月

勅襲封衍 聖公兼曲阜縣令仍令世襲同上

廟中古跡

先聖廟在魯城西南隅去城二百餘步東至舊曲阜

縣二里郎 先聖舊居之宅實魯哀公所立歷代
東封告成行幸儒廟皆駐蹕於此自漢唐以來雖
巨寇擾攘不敢暴犯如赤眉過魯亦解甲燒香再
拜而去

手植檜三株兩株在贊德殿前高六丈餘圍一丈四
尺其文左者左細右者右細一株在杏壇東南隅
高五丈餘圍一丈三尺其枝盤屈如龍形世謂之
再生檜晉永嘉三年枯死至隋義寧元年復生唐
乾封二年又枯死至宋康定元年復生

手植檜贊 焯東皇養白日御元氣照道一動化機
此檜植矯龍怪挺雄質二千年敵金石紂治亂如

一昔百代公陰圭璧

太常博士米芾

撰

貞祐甲戌春正月兵火及曲阜焚我祖廟延及三
檜幸收灰燼之餘携至闕下分遺妻弟省知除
開封李世能乃命工刻為先聖容暨從祀賢像
召元措瞻仰追悼之極再拜以識其歲月云正大
甲申仲秋望日五十一代嗣孫太常博士衍聖
公元措謹述

天地否而復泰日月晦而復明聖人之道厄而復
亨六籍厄於秦至漢而復興正道厄於晉宋齊梁
陳隋之閒至唐而復興此自然之理也貞祐初兵

革擾曲阜焚 孔庭檜聖道之廢興固不係於一
木之存亡新宮火三日哭重先祖之屋也况
聖師之手植乎衍 聖公收其煨燼之餘李侯刻
而像之知尊事矣若夫茂其德封而植之是聖道
常在也豈特一木哉三年六月晦門弟子趙秉文
謹記

鄆國夫人并官氏殿昔為 先聖宴居之堂按論衡
及魯人相傳云 孔子將亡遺秘書曰後世一男
子自稱秦始皇上我堂踞我床顛倒我衣裳至沙
丘而亡始皇至魯觀 孔子宅至沙丘而崩又按
世家 孔子卒諸儒講鄉飲酒大射於 孔子家

其所居堂魯哀公十七年因立為廟後世即其廟
藏先聖衣冠琴瑟車書至漢二百餘年不絕昔
太史公嘗適魯觀先聖廟堂車服禮樂諸生習
禮於其家以至低回留之不能去漢景帝時魯共
王好治宮室壞先聖舊宅以廣其宮聞金石絲
竹之聲乃不敢壞於其壁中得古文經書此其地
也

杏壇在 先聖殿前即先聖教授堂之遺址也昔

漢鍾離意為魯相出私錢萬三千付戶曹孔新修
夫子車身入廟拭几席劔履男子張伯除堂下草
得玉璧七枚伯懷其一以六枚白意意令主簿安

置几前其堂下牀首有懸甕意召訢問荅云

夫子甕也背有丹書人莫敢發意曰 夫子所以

遺甕欲以垂示後人因發之得素書文曰後世修

吾書量仲舒護吾車拭吾履發吾笥會稽鍾離意

壁有七張伯懷其一意即召問伯果服焉漢明帝

東巡幸 先聖宅亦嘗御此命皇太子諸王說經

於堂上後世嘗以為殿 宋天聖二年傳大父中

憲監修 祖廟增廣殿庭因移大殿於後講堂舊

基不欲毀折即以頌甃為壇環植以杏魯人因名

曰杏壇

先聖舊廟有松栢檜歷周漢晉榮茂如雲至

金大安三年季冬入東蒙移松一千株

廟外古跡

魯之古跡至多今止以事系於先聖者載之

防山在廟東三十里周圍八里高二里直山之北三里餘乃齊國公墓先聖生二歲而齊國公卒葬於防山先聖母逝殯於五父之衢鄒人輓父之母告先聖父墓子曰古者不祔葬焉為不忍先死者之復見也詩云死則同穴自周公以來祔葬矣故衛人之祔也離之有以聞焉魯人之祔也合之美夫吾從魯遂合葬於防曰吾聞之墓而不墳今某也東西南北之人不可以弗識也吾見封之若斧形者矣吾從斧者焉於是封之崇四

尺今墓前有 齊國公廟廊廡祭亭凡二十餘間
每歲時子孫祭饗焉

尼丘山在廟東南五十里周圍一十里即 齊國公
與 顏氏禱於此而生 先聖者也 先聖生而
首上坊頂如尼丘山頂之坊宋皇祐二年封山神
為毓聖侯制曰元聖肇興誕自東魯雖天之生德
蓋云默定而岳之降神實應精禱兗州泗水縣尼
丘山崇岡秀阜雲雨所出儲丕祐於商後孕全氣
於孔族挺毓睿哲為万世師當崇五等之封俾均
四瀆之秩列於祀典以求神休攸司奉書往申昭
告宜特封毓聖侯仍令本州差官往彼祭告破係

省錢增葺祠廟及造廟牌安掛春秋差官致祭
真廟東封王欽若言祭 文宣王尼丘山山上有
紫雲氣長八九丈詔遣入內殿頭楊懷玉祭謝今
尼丘山五峰下有 齊國公 先聖并毓 聖侯
廟在焉

顏母山在廟東南五十五里周圍一十里高三里乃
齊國公與 顏氏禱於尼丘山嘗遊此而休息焉
山去尼丘山五里魏地形志亦言魯縣有顏母祠
堂迄今在焉

魯城之西南隅即 先聖之舊宅也昔魯人泛海而
失津至於曹州遇 先聖七十子遊於海上特以

歸途使告魯公築城以備寇魯人歸且以告魯侯
侯以為誕俄而群鵠數萬銜七培城侯始信乃城
曲阜訖而齊寇果至事載十六國春秋其說神異
雖先聖之所不語然魯人尚能言之所謂疑傳
疑者於是亦綴而不遺

廟東南二里魯城有門曰高明昔齊人選女子衣文
衣而舞康樂文馬三十馱遺魯君陳於高門外季
桓子微服往觀受其樂三日不聽政郊又不致膳
俎於大夫先聖遂適衛

史記云高門詩云阜
門魯國圖云稷門

魯宮城雉門之外曰兩觀春秋定公三年杜預注雉門公宮
之南門兩觀闕也昔先聖為魯司寇攝行相事

於是朝政七日而誅亂政大夫少正卯於兩觀之下者是也

五父衢在廟東南五里昔先聖母殯於五父之衢者此其地也

先聖學堂在廟北五里泗水纏其北洙水由其南皇覽云諸弟子房舍并瓦猶在周敬王三十六年

先聖自衛返魯於此刪詩序書定禮樂繫周易至三十九年因魯人西狩獲麟而春秋絕筆因曾參孝行而作孝經二經既成先聖齋戒於此堂下面北斗而拜告備於天紫微於是降此堂又有赤虹自上而下化為黃玉有刻文先聖跪而讀之

其辭曰孔提命作應法魯記所載 孔子講堂者
即此堂也昔漢光武東巡過魯坐 孔子講堂顧
指子路室謂左右曰此吾太僕之室也今學已廢
遺址存焉

矍相圃在廟西南一百二十步周圍二里高一丈昔
先聖射於矍相之圃觀者如堵焉晉太康志曰矍
相圃在魯城內縣西南近 孔子宅是也今圃中
猶存舊井皆石為之

廟西南二百步魯城有門曰歸德世傳四方諸侯慕
先聖之德而至者多入此門故魯人因以名之

廟東南魯城有門曰端門 先聖將歿謂子貢曰端

門當有血書子貢件候之果有血書云趨作法
孔聖歿周姬士慧東出秦人滅胡亥術書既散孔
不滅子貢以告 先聖趨往而觀之化為赤烏飛
去

廟南十里魯縣有二石闕曰闕里蓋里門也後漢董
憲裨將屯兵於魯侵害百姓光武及拜鮑永為魯
郡太守永到大破之惟別帥彭豐不肯下頃之
孔子闕里無故荆棘自除從講堂至里門永異之
謂魯令及府丞曰方今危急而闕里自開豈
夫子欲令太守行禮助吾誅無道也乃命人衆修
鄉射之禮請豐等共觀視欲因此擒之豐等亦欲

圖永乃持牛酒勞饗而潛挾兵器永覺手格殺曹

圖經載闕里在孔子廟東南二里有門
闕廢址雙立舊城因名曰闕里

廟東三里有廢井圍五丈三尺深八十尺石為之按

史記云季桓子穿井得缶中若羊問先聖云得

狗先聖曰以某所聞羊也木石之恠夔罔魍水

之恠龍罔象土之恠羴羊也

陋巷在廟東北三百餘步巷之北有井世傳為顏井

顏子在陋巷人不堪其憂而顏子不改其樂

先聖屢賢之此蓋顏子所居之地也熙寧間嘗構

亭井之北命曰顏樂亭士大夫聞之如司馬溫公

二蘇輩二十餘人或以詩或以文或以歌頌皆揭

以牌

林中古跡

先聖沒公西赤爲之識及掌其殯葬焉含以踈米三
貝襲衣一十有一稱加朝服一章甫之冠珮象環
徑五寸而緝組綬桐棺四寸栢棺五寸及以告備
於天所受黃玉葬于魯城北一里泗水上藏入地
不及泉而封爲偃斧之形高四尺泗水爲之却流
旣葬有自燕來觀者舍於子夏氏子貢謂之曰吾
亦人之葬聖人非聖人之葬人子奚觀焉昔
夫子言曰吾見封有若夏屋者見若斧矣若從斧
者也馬躡封之謂也今徒一日三斬板而封尚行

夫子之志而已何觀乎哉皇覽曰 孔子冢去城
一里冢塋百畝南北廣十步東西三十步高一丈
二尺如鳥卵馬驪今增周圍五十餘步高一丈五
尺塋中不生荆棘刺人草樹以百數皆遠方徒弟
各持鄉土異種所植魯人世世無能名者惟楷木
爲多其餘則皇覽所載柞扮雒離女貞五味兔檀
之木也群弟子三年喪畢或去或留唯子貢廬於
墓六年自後群弟子及魯人從冢而家者百有餘
室因名其居曰孔里世世相傳歲時奉祠不絕真
宗東封王欽若言祭 文宣王詣墳致奠得芝五
本詔遣入內殿頭楊懷玉祭謝復得芝五本

先聖墳北有虛墓五間皆石爲之 先聖沒戒門弟子爲虛墓後果遭秦始皇發冢有白兔出於中始皇逐之至曲阜西北十八里溝而沒魯人因名其溝曰白兔溝

祠壇昔 先聖沒弟子於冢前以瓴甃爲壇方六尺至後漢永嘉元年魯相韓叔節始易之以石至唐以封禪石壇易之今四面皆歷代題名歲久漫滅字不可讀

先聖墳東十步曰二代伯魚墓又南少東十步曰三代子思墓商人尚右故也真宗幸 孔林顧問二冢子孫對以伯魚子思墓帝太息躊躇而退

駐蹕亭在 先聖二代兩墳之間真宗東封回駕幸

闕里願問 先聖墳何在子孫引道導轡輿躬至

孔聖林奠謁畢坐於亭上宣兩府及兩制賜茶亭

有古碑字多殘缺帝命詞臣拂藓辨認盤桓久之

輦路真宗幸 聖林以林木擁道降輿乘馬至

先聖墳釋奠再拜今自林前石橋直趨駐蹕亭

有輦路皆甃瓦以石

楷木廣誌云 夫子沒弟子各持其鄉土所宜木人

植一本於墓而去冢上特多楷木楷木出於海今

林中楷木最茂間有因風摧折者人或得之為

手板

舊廟宅

至聖文宣王廟外三門榜即 宋仁宗御篆也三門
之後曰書樓藏賜書之樓也樓後御路東西有二
亭其東宋朝修廟碑其西唐碑次儀門門內曰御
贊殿輿興年傳大父監修
廟奏立此殿次後曰杏壇杏壇之後即
正殿殿榜乃仁宗御飛白也其後 鄆國夫人殿
殿東廡泗水侯殿西廡沂水侯殿祖殿廊西門外
齊國公殿其後 魯國太夫人殿殿後五賢堂
祖殿廊東門外曰齋廳即真宗東封回幸儒廟駐
蹕之殿奠謁待次之所也回鑿次兗州詔去其鴟
許本家為廳族人遇仲祭致齋於此遂名曰齋廳

廳廊之東門外其南客館其北客位齋廳之後齋
堂堂後宅廳孔氏接見賓客之所由客位東一門
直北曰襲封視事廳廳後恩慶堂堂乃中丞典鄉
郡日侍致政尚書公會孔氏內外親族之所徂徠
先生石介有碑以紀其事恩慶堂之西曰家廟堂
之東北隅曰雙桂堂先公仲父舊讀書於此堂皇
祐元年同賜弟故以名之諸位皆列居於 祖殿
之後并恩慶堂之東西自 祖廟并諸位所居舊
皆勅修後以諸位屋宇日廣皆自營葺耳矣除諸
位外 祖廟殿庭廊廡等共三百一十六間

仙人脚明昌元年有異人履玄白鳥瞻拜 先聖於

廟門外竝立石上甚有喜色既去其石足跡存焉
有文曰仙人脚次年奉勅修廟此亦

金朝崇奉先聖修廟之應也

泰和八年八月二十七日以先聖降誕之辰前期
一日率闔族敬詣尼山廟祭奠日方午刻俄聆
殿上當空有樂振作比金石絲竹之聲凡在一舍
間皆聞之而駭然蓋

朝廷崇奉

德感所致也

金修廟制度

正殿廊廡大中門大成門 鄆國夫人殿自皇統

大定以來建之其制猶質素至明昌初增後位城
殿殿廡皆以碧瓦爲緣外柱以石刻龍爲文其藻
栱之飾塗以青碧每位皆有閣至於欄檻簾櫳並
朱漆之 齊國公位僅與正位同又朔二代三代
相殿毓聖侯殿五賢堂奎文閣之屬煥然一新與夫
廳堂黌舍門廡凡四百餘楹方之前古於此爲備
貞祐二年正月二十四日兵災及本廟殿堂廊廡灰燼
什五祖檜三株亦遭厄數適有四十九世孫廟學正
瑋洎族人避於其間俄有五色雲覆其上中有群
鶴翔鳴良久而去田夫野老無不見之

孔氏祖庭廣記卷第九